



Inatsisinut Ataatsimiititaliaq
Inatsisartut Allattoqarfiat

**UPA 2015/85-imut atatillugu apeqqutit – Nioqqutissanik eqqussuineq annissu-
inerlu pillugit Inatsisartut inatsisaata allanngortinneqarneranik Inatsisartut
inatsisissaattut siunnersuut.**

Dato: 1. april 2015

Sagsnr.: 2014-098921

Siunnersuutip Inatsisinut Ataatsimiititaliami suliarineqarneranut atatillugu apeqqutit ar-
laqartut Naalakkersuisunut akissuteqarfigeqquneqarlutillu itisileqquneqarput.

Apeqqutit makku itisileqquneqarput:

Postboks 1605
3900 Nuuk
Tlf. (+299) 34 50 00
Fax (+299) 32 20 42
E-mail: tax@nanoq.gl
www.nanoq.gl

Apeqqut 1:

Mittarfeqarfiit timmisartuutileqatigiiffiillu Kalaallit Nunaannik timmisartuussisartut tusarni-
arneqarnissaannik Naalakkersuisut pisariaqartitsisimanginnerat sumik tunngaveqarpa.

Akissut:

*Inatsisip piareersarneqarneranut atatillugu tusarniaassutissat Naalakkersuisut In-
eqarnermut, Sanaartornermut Attaveqarnermullu Naalakkersuisoqarfimmut, timmisartu-
utileqatigiiffiit susassaqtartut ingerlatsiviillu taakkununnga attuumassuteqartut tusarniar-
neqartariaqarnerannik/ilisimatinneqartariaqarnerannik naliliisussamut pisarnejq malillugu
nassiuppaat. Aningaasaqarnermullu Naalakkersuisoqarfik isumaqanngilaq apeqqut
taannarpiaq timmisartuutileqatigiiffiit susassarigaat.*

Apeqqut 2:

Inunnik scannerummik qanoq ittumik pisinissaq Naalakkersuisut siunniuppaat?

Akissut:

*Timi tamakkerlugu scannerutip (Soter RS), qinngornerit sakkukitsut atorlugit timimik tar-
rarsuisartup pisiarinissaa Naalakkersuisut siunniuppaat.*

Apeqqut 3:

Inunnik scannerutit taamaattut ilaannik pisinissaq Naalakkersuisut siunniussimappas-
suk, taava tarrarsuilluni scannerut iisanik timimiluunniit ammanernut toqqukkanik takun-
nissinnaasoq, aanggajaarnartunillu eqqusseriaraluartut paasisaanissaannut
atorneqarsinnaanerusoq sooq toqqarneqarsimanginnerasoq tunngavilersoqquneqarpoq.

Akissut:

*Timi tamakkerlugu scannerummik, timip ikianut toqqorneqarsimasunik takunnissin-
naasumik pisinissaq Naalakkersuisut kissaatigaat. Taamaammat apeqqut scannerum-*

mik pisiarissallugu siunniunneqartumut tunngatillugu soqutiginaateqanngilaq.

Apeqqut 4:

Inunnik scannerut Naalakkersuisut pisiarissallugu siunniussaataamaattuusimappat, taava Naalakkersuisut, Danmarkimi ilanngaaserinermut akileraartarnermullu oqartussaasut inunnik scannerutinik ataasiakkaanik pisinerminni akiliutissamissut naatsorsuutigisaasa affangajaannaanik akilerlugu pisinissaminnik naatsorsuuteqarnerat sumik tunngaveqarnerasoq paaserusunneqarpoq.

Akissut:

Inunnik scannerutit pisiarineranni qanoq akeqarnissaannut tunngatillugu Naalakkersuisut naatsorsuutigisaat inatsisissatut siunnersuutip suliarineqarneranut atatillugu missinginerugallartunik tunngaveqarpoq, tassani scannerutit assigiinngitsut eqqarsaataasimallutik. Kingusinnerusukkut, aammalu suliap Danmarkimi SKAT peqatigalugu ingerlanneqartup nanginnerani neqeroorutit aalajangersimasut suliarineqarmata naatsorsuutigisap nalileqqinnissaa pisariaqarsimavoq.

Apeqqut 5:

Inunnik scannerut Naalakkersuisut pisiarissallugu siunniussaata millimeterbølge imaluunniit backscatter-røntgen atorlugu scannerutaappaat, taava taanna inuup timaata ilaanik takutinneqartariaqanngitsunik assersuummik (diskretions-software) atortuligaassanersoq, taamaassappallu diskretions-software suna pineqarnerasoq paaserusunneqarpoq.

Akissut:

Apeqqutip akineqarnissaa pisariaqarsorineqanngilaq, tak. apeqqut 2-mut akissut.

Apeqqut 6:

Inunnik scannerut Naalakkersuisut pisiarissallugu siunniussaata millimeterbølge imaluunniit backscatter-røntgen atorlugu scannerutaappaat, taava angalasut inuttut inuuneranik illersuinissaq siunertaralugu maleruagassat suut Naalakkersuisunit atuutilersinniarneqarnerasut paaserusunneqarpoq.

Akissut:

Apeqqutip akineqarnissaa pisariaqarsorineqanngilaq, tak. apeqqut 2-mut akissut.

Apeqqut 7:

Inuit ilaqarpat qinngornerit atorlugit scannertikkunik peqqinnissakkut ulorianartorsiuleratarsinnaasunik, taamaassimappallu taakku illersorumallugit maleruagassanik sunik Naalakkersuisut atuutilersitsiniarpat?

Akissut:

Naartusunik meeqqanillu 15-it inorlugit ukiulinnik scannerinissaq Københavnip timmisartoqarfiani inunnik scannerutit atornissaanut ilitersuut naapertorlugu inerteqquataavoq.

Maleruagassat taamaattut inunnik scannerutit atulernerneqarnissaanut atatillugu ilitersuutini, timmisartoqarfimmilu sulusut atuinissamik ilinniartinneqarneranni ilanngunneqarnissaat Naalakkersuisut qulakkiissavaat.

Apequt 8:

Peqqinnissaq, suliffimmi avatangiisit taamaqataalluunniit eqqarsaatigalugit Naalakkersuisut isumaqarnerlutik ilaasunik scannerutunik timmisartoqarfinni atuinermi maleruagassat, peqqinnissaqarfimmi tarrarsuilluni atortunik atuinermissuulli atuutsinneqartariaqartut?

Akissut:

Scannerummik atuinermi maleruagassanik, assersuutigalugu Københavnip timmisartoqarfiani inunnik scannerutip atornissaanut ilitsersuummisuulli suliaqartoqartariaqartoq Naalakkersuisut naliliipput.

Ikinngutinnersumik inuulluaqqusillunga
Med venlig hilsen

Andreas Uldum